

IMAQARNILIAQ MAA - Meeqqanut Atuarfeqarnermullu Ataatsimiititaq 10-06-2020

Ulloq ataatsimiiffissaq Onsdag 10. juni 2020 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Elevhjemmimut nuunnissap kinguartinneqarnera pillugu misissuineq.....	7
Aalajangiiffigisassat.....	10
Suliat Aningaasaqarnermut Inuussutissarsiornermullu Ataatsimiititamut.....	11
Misip 2019-imut ukiumoortumik nalunaarusiaanik ilisimatitsissut.....	12
Nuummi E-sporterneq.....	16
Taasariaqartut allat.....	19
Lukket.....	20
Imaqarniliap akuerineqarnera.....	21

Punkt 0: Saqqaa

Ilaasortat

Michael Rosing (Sam), siulittaasoq.

Henrik Rachlev (IA)

Hans Jukku Noahsen (IA)

Uju Petersen (IA)

Thiiooq Knudsen (S)

Punkt 1: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a.

1. Atuartut Ittoqortoormiineersut piffissaq sioqqullugu angerlartinneqarput, angerlamut apuunnissaat qulakkeerniarlugu. Ittoqortoormiunut nalinginnaasumik aqutissat suli amigarput, taamaattumik Namminersorlutik Oqartussat attartorsimasaannut timmisartumut qulinik inissaqartitsisimavugut.
2. Sapaatip akunnerani 24-mi Paamiuni ilinniartitsisut iPads-inik agguaassiffigineqassapput. Tassunga atatillugu ilinniartitsisut ilitsersuisartunit pikkorissartinneqassapput, atuartut ukiumi atuarfiusumi nutaami iPads-inik agguaassiffigineqarpata atuinnermut ilinniartitsisinnaangorlugit. Tamanna iluatsillugu ikiortit pingasut ilinniartinneqassapput, taamaasillutik suleqatiminnik ataavartumik ikorfartuisinnaasunngorniassammata.

2b.

Soqanngilaq.

Punkt 3: Ilisimatitsissutit

Punkt 03A: Elevationimmut nuunnissap kinguartinneqarnera pillugu misissuineq

Beslutning

Ilisimatitsissut tusaatitut tiguneqarpoq.

Elevhjemmimut nuunnissap kinguartinneqarnera pillugu misissuineq

Ilisimatitsissut

J.nr.:51.02.01

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Meeqqanut Atuarfeqarnermullu Ingerlatsiviup Ittoqqortoormiini nunaqarfinilu 8. klassini atuartut, Tasiilami Nuummilu atuartut angerlarsimaffiinit atuariatortalernissaat kinguartinnessaat pillugu periarfissaqarnerisooq misissorusuppaa. Ilanngullugu misissorneqassaaq atuartut angerlarsimaffiini neqeroorutaasartut pitsanngorsarneqarnissaat, atuartut maanaannaq angerlartartut ikilisinnissaat siunertaralugu.

Inassuteqaat/Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu ataatsimiititamat innersuussutigaa:

- Ilisimatitsissut tusaatissatut tiguneqassasoq.

Suliassamik saqqummiussineq

Kommuneqarfik Sermersuumi marlunnik atuartut angerlarsimaffeqarpoq, tassalu Nuummi Tasiilamilu. Ullumikkut nunaqarfiniit Ittoqqortoormiiniillu 8. Klassiniit qummut atuartut Nuummum Tasiilamullu atuariatortlutik nuuttarput. Atuartut angerlarsimaffiisa atuartut akornanni nalaattagaat tassaapput: angerlarsenerit, inuttut inissisimaneq aallaavigalugu unaminartitsinerit, atuarnermik qatsussinerit, il.il., tamakkulu ilaatigut kinguneqartarput, ukioq atuarfiusooq suli naanngittoq atuartut angerlartariaqartarnerannik. Atuartullu anginerit angerlarnikkut, ilaatigut atuartinneqarsinnaanerat killeqartarpoq, piffinni atuarfiit ukiumut atuartitsissutissatut pilersaarusiatic naammassereersimasarmatigit, ilinniartitsisullu naammaannartut atorfeqartinneqartarlutik.

Meeqqanut Atuarfeqarnermullu Ingerlatsivik isumaqarpoq, pissusissamisoortoq sukumiisumik misissussallugu, atuartut 8 klassimiit Nuummi Tasiilamilu atuartut angerlarsimaffiinit atuariatortissallugit naleqquttuunersoq. Taakkulu saniatigut atuartut angerlarsimaffiini atuartunut neqeroorutit naleqquttuunersut, qanorlu pitsanngorsaasoqarsinnaanersoq ukioq atuarfiusooq suli naanngitsoq angerlartartut ikilisinnissaat siunertarallugu.

Aaqqiissutissatut siunnersuut – suliaticigut naliliineq

Atuartut Angerlarsimaffii pillugit sukumiisumik misissuisoqarlunilu naliliisoqassaaq, suliassallu sularineqassapput atuarfeqarnermut inatsit najoqqutaralugu, tamatumalu kingunerissavaa siunissami kommunimi atuartut angerlarsimaffiisa qanoq ingerlanneqarnissaat pillugu innersuussiamik suliagarneq.

Aningaasaticigut sulisoqarnikkullu naliliinerit

Soqanngilaq

Inatsitigut tunngavissaq allakkallu tunngaviusumik uppersaatitallit

Soqanngilaq

Ingerlariaqqinnissaq

Ingerlatsiviup misissuiniini naammassippagu, misissuinerit inernerit innersuusiarlu politikikkut akuerisassanngorlugu saqqummiunneqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik piniartoqanngilaq

Ilanngussaƙ/Ilanngussat
Soqanngilaq

Punkt 4: Aalajangiiffigisassat

Soqanngilaq.

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Misip 2019-imut ukiumoortumik nalunaarusiaanik ilisimatitsissut

Beslutning

Inassuteqaat akuersissutigineqarpoq.

Bilag

Ukiumoortumik nalunaarusiaq 2019

Misip 2019-imut ukiumoortumik nalunaarusiaanik ilisimatitsissut

Ilisimatitsissut

J.nr.: 51.09.02.-15

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Misi ukiumut 2019-imut nalunaarusiorpoq.

Nalunaarusiaq Meeqqanut Atuarfeqarnermullu Ataatsimiititamut ilisimatitsissutitut nassiunneqarpoq.

Misip Paamiut aamma Tasiilaq 2019-imi ataasiarlugit tikeraarpai. Tasiilamut tikeraarnermut atatillugu, nunaqarfiit Tiilerilaaq aamma Isertoq tikinneqarsimapput. Tikeraarnerni atuarfinni paaqqinniffinnilu sulisut oqaloqatigineqarput, soorlu aamma sumiiffinni angajoqqaanut sulisunullu ammasumik siunnersuinissamik neqerooruteqarsimasut. Tamatuma saniatigut Misi saqqummiussinissamut, suliat pillugit qanimut siunnersuinissamut neqerooruteqartarpoq kiisalu perorsaarnermut tarnillu pissusaanut tunngasutigut misissuineramik ingerlatsilluni.

Misimi 2019-imi ilinniartitsisunik siunnersuinerit 91-t, perorsaasunik siunnersuinerit 50-it angajoqqaanillu siunnersuinerit 170-it ingerlanneqarput. Tamatuma saniatigut Misi 87-inik misissuinernek suliaqarpoq.

Misi 2019-imi annerusumik pinaveersaartitsinerimut tunngasunik suliallu pillugit qanimut siunnersuinissamut neqerooruteqartarsimavoq, tamannalu innuttaasunit tigulluarneqarpoq. Taamaattorli Misi-mut apeqqutilliusunut malinnaanissaq kiisalu misissuinnissamut utaqquisut allattorsimaffianiittut amerlavallaannginnissaasa sulissutigineqarnerat unammillernarsimavoq sulisut ikippallaarnerat pissutigalugu.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Misi-p ukiumut 2019-imut nalunaarusiaanik ilisimatitsissut tusaatissatut tiguneqassasoq.
- Ukiumut nalunaarusiaq Aningaasaqarnermut Ataatsimiititamut Kommunalbestyrelsimullu ilisimatitsissutitut ingerlateqqinneqassasoq.

Suliassamik saqqummiussineq

Misi – Meeqqanut Inuusuttunullu Siunnersuisarfik, ukiumut 2019-imut nalunaarusiaqarpoq.

Nalunaarusiami 2019-ip ingerlanerani Misimit suliat suliarineqarsimasut nalunaarsorsimapput, ilinniartitsisunik siunnersuinerit 97-t, perorsaasutut sulisunik siunnersuinerit 50-it kiisalu angajoqqaanik siunnersuinerit 170-it ingerlanneqarsimasut takussutissaallutik. Tamatuma saniatigut qanoq kikkullu Misimut saaffiginnissinnaanersut kiisalu Kommuneqarfik Sermersuumi Misip kiffartuussinerit sorliit innuttaasunut neqeroorutigisarnerai nalunaarusiami nassuiaatigineqarpoq. Aammattaaq ukiumoortumik ”immikkut atuartitsisarneq” nassuiaatigineqarpoq, kiisalu 2019-imi suliassat allat Misimit suliarineqarsimasut.

2019-imi Misip suliat misissuiffigisassat utaqqisut ikilisarniarlugit sulissutigivai, tamannalu iluatsippoq. Ukioq kingulleq piffissami tassani utaqqineq qaammatit arfineq-marluk missaanniittartumut sanilliullugu, 2019-ip naanerani misissuinissamut utaqqineq qaammatinik sisamanik sivilissuseqarpoq.

2019-ip ingerlanerani Misi Paamiunut Tasiilamut, Tiilerilaamut Isertumullu tikeraarpoq, taakkunani siunnersuinerit ingerlanneqarsimapput, taavalu perorsaanermi tarnillu pissusiinik ilisimasalimmit misissuisoqarsimalluni.

Aaqqiissutissatut siunnersuut – suliatigut naliliineq

Ukioq 2019 Misimut ulapaarfiuvoq, ilaatigut aqutsisut sulisullu akornanni taarseraattoqarnera pissutigalugu. Tamakku saniatigut Misimit siunnersorneqarnissamik kissaateqarlutik saaffiginnittut amerlisimanerat Misimit malugineqarpoq. 2015-ip missaani Misimi suleriaaseq allangortinneqarpoq; 2015-ip siorna Misip (saaffiginnittullu) meeraq "ajornartorsiutitut" isigisarpaat, tamannalu arlalitsigut tarnip pissusaatigut paasinnittaatsimik misiliinermik kinguneqartarpoq. 2015-ip kingorna Misip eqqarsartariaaseq allangortippaa imaalillugu "ajornartorsiummik misigisaqartoq tassaavoq ajornartorsiutilik". Tassa imaappoq, Misip saaffiginnittut, meeraq ulluinnarni ikiorsinnaanerussammassuk, perorsaanikkut iliuuserisinnaasaannik siunnersuisarneq pingaartinnerulerpaa. Tamanna tunngaviusumik isumaqarpoq, Misip saaffiginnissutit tamaasa meeqqami inuttut ajornartorsiutitut isigiunnaarnikuuaa, inersimasulli ajornartorsiutitut misigisartagaat perorsaanikkut iliuuseqarnikkut inersimasunit iluarsineqarsinnaasutut taamalu meeqqap ulluinnarni inuuneranut ikiorsiillutik.

2015-imiit siunnersuisarnerit pillugit kisitsisit atorlugit nassuiaasiernerit misissornerini takusinnaavarput suleriaatsit Misimit allangortinneqarneri, perorsaanikkut sulisunit, ilinniartitsisunit angajoqqaanillu, tigulluarneqarsimasut. 2019-imi Misip siunnersuinerit misissuinerillu saniatigut, suliat pillugit qanimut siunnersuinerit kiisalu pinaveersaartitsinermut suliniutit pingaartinnerullugit ingerlassimavai. Taamatuttaaq saaffiginnittartunit tigulluarneqarsimasut Misimit nalilerneqarpoq.

Aningaasatigut sulisoqarnikkullu naliliinerit

Misip 2020-mi missingersuutit eqquutsinnissai naatsorsuutigaa.

Saaffiginnittartut amerliartorneri, Nuummut nuuttartut amerliartorneri kiisalu Meeqqanut Inuusuttunullu tunngasuni annertunerusumik pinaveersaartitsiniutinik suliniuteqartoqarnissaanut politikikkut kissaateqartoqarnera tunngavigalugu Misimit suliasat pingaarnersiorneqartariaqarsimapput.

Inatsisitigut tunngavissaq allakkallu tunngaviusumik uppersaatitalit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. decembari 2012-imeersoq: § 5, imm. 3, nummer 4.
- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq: §38, nummer §4. Tassunga atatillugu suliarineqarsimavoq Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersoq.

- PPR-mik isumaqatigiissut; Kalaallit Nunaanni Kommunalbestyrelsit sinnerlugit KANUKOKA-mut isumaqatigiissutaasoq, tassani pineqarpoq Perorsaanikkut Tarnip Pissusaatigut Siunnersuisarfik pillugu kiisalu meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugu kommuninut (Namminersorlutik Oqartussanit) nassuiaat 1. januar 2012-imit atuutilersoq. (Taanna inatsisaanani isumaqatigiissutaavoq).

Ingerlariaqqinnissaq

Misip Misissuisoqarnissaanut utaqqineq sivikillisaaviginiarsarissavaa, PPR-imulli isumaqatigiissummi pinaveersaartitsinerit annertusineqarnissaanut kissaateqartoqarnera tunngavigalugu utaqqisut ikilisarniarnerisa saniatigut Misimit pinaveersaartitsinissamut suliniutit amerlanerit neqeroorutiginiarneqarlutik. Siusissukkut iliuuseqarnikkut pinaveersaartitsinikkullu suliniutit amerlanerit Misimit neqeroorutigineqarnerisigut siunissami Misissuinissamut utaqqisut ikinnerunissaat Misimit neriuutigineqarpoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Ukiumoortumik nalunaarusiaq 2019

Punkt 05B: Nuummi E-sporterneq

Beslutning

Inassuteqaat akuersissutigineqarpoq.

Nuummi E-sporterneq

E-sportertarfinnik pilersitsineq

Aalajangiiffigisassaq

J.nr.: 01.02.01

Suliffeqarfimmut Kiffartuussivik – Lars Møller Sørensen / LMS

Suliassamik eqikkaaneq:

Nuummi 2020-mi sunngiffimmi neqeroorutitut ilaatillugu e-sportscenteriliortoqarnissaa siunnersuutigineqarpoq. Qarasaasiat e-sporternermet atugassat sunngiffimmi ornittakkani pioreersut ilaanni ikkussorneqassapput. Taamaalilluni qarasaasiat qarasaasiakkut spillinut nalinginnaasunut inuusuttunit atorneqarsinnaassallutik, e-sporternernullu aamma inuusuttunit spilleqatigiinnissamut sungiusaatitulluunniit atorneqarsinnaassallutik.

Inassuteqaatit

Suliffeqarfimmut Kiffartuussineq Meeqqanut Atuarfeqarnernullu Ataatsimiititamut inassuteqaatigaa:

- Nuummi sunngiffimmi neqeroorutitut ilanngullugu ukioq manna e-sportertarfinnik pilersitsisoqassasoq
- Suliaq Aningaasaqarnermut Inuusutissarsiornermut Ataatsimiititamut Kommunalbestyrelsimullu akuersissutigisassanngorlugu ingerlateqqinneqassasoq

Suliassamik saqqummiussineq

Allaffeqarfimmiit siunnersuutigineqarpoq, Nuummi klubbit pioreersut ilaanni e-sportertarfimmik pilersitsisoqassasoq. Qarasaasiat atorneqarsinnaasut aamma e-sport Nuummi sunngiffimmi sammisasaqartitsinermet ilanngullugit neqeroorutinnngortinneqarsinnaapput. Taamaalillunilu sunngiffimmi ornittakkani atuisut qarasaasiakkut spillernermet qarasaasianik atuisinnaassallutik, periarfissaassallunilu e-sporteqatigiinnissaq sungiusaqatigiinnissarlu.

Aaqqiissutissatut siunnersuut – suliatigut naliliineq

Ukiuni kingullerni e-sportip unammissutigineqartarnerata akuerineqaleraluttuinnarnera ilutigalugu e-sport soqutigineqaleraluttuinnarpoq. Sunngiffimmi ornittakkani inuusuttunut neqeroorutigineqartut ullutsinnut malinnaanissaat soqutiginartuunissaallu pingaaruteqarpoq, tassuuna qulakkeerniarlugu sunngiffimmi ornittakkat neqeroorutaat orniginartuunissaat. Kommunimi sunngiffimmi ornittakkani neqeroorutini e-sporterfarfimmik pilersitsineq neqeroorutitigut nutarterinerussaaq. Aammattaaq inuusuttunut e-sportuunngikkaluartumik computerspilinik soqutigisalinnut ullumikkullu klubbini neqeroorutaareersunik sammisassanut soqutigisaqarpallaanngitsut, orniguttalersinneqarsinnaapput.

Klubbini neqeroorutaareersut ilaattut 2020-mi e-sportertarfimmik pilersitsisoqassasoq siunnersuutigineqarpoq. E-sport centerip inissisimaffissaanut internetsikkut attavitigut pitsaassuseq apequtaatinneqassaaq. Internetsimummi attavik qarasaasiakkut assigiinngitsunik spillertoqarsinnaanissaanut aamma spilleqatigiinnissamut unammeqatigiinnissamullu pingaaruteqarpoq.

Qarasaasiat inuusuttut kisimiillutik spillersinnaanissaannut sungiusarnissaannullu aamma inuusuttut iligiikkaarlutik e-sporteqatigiinnissamut sungiusaqatigiinnissamut atorneqarsinnaassapput.

Qarasaasiat 10-13-it piniarneqassasut siunnersuutigineqarpoq. Qarasaasiakkut spillit nuannarineqarnerpaani iligiit ataatsit qassiusinnaanerit aallaavigalugu qarasaasiat amerlassusilerneqarput. Qarasaasiat quliuppata qarasaasiakkut spillini nuannarineqarnerpaani iligiikkaartut marluk ataatsikkut spillersinnaassapput. Spillertussat tamarmik qarasaasiassaqaarnissaat qulakkeerniarlugu innersuussutigineqarpoq, qarasaasianik 13-inik pisinissaq, teknikkikkut ajornartorsiuteqariataarnermi qarasaasiap taarserneqarsinnaanera periarfissaaniassammat.

Aningaasatigut sulisoqarnikkullu naliliinerit

2020-mi e-sportimut atortulersuinissamut aningaasat missingersuutaareersuni nassaarineqassapput. E-sportimut atortorissaarutisinnissamut pisinermi aningaasartuutit Peqqinneq Sammisassaqaartitsiviullu akilerneqassapput. Qarasaasiat 10-13-it atortorissaarutillu allat pisiarineri 150.000-200.000 koruuninik akeqassapput. Taakku saniatigut ingerlatsinermut aserfallatsaaliinermullu qaammammut aningaasartuutit 1000 koruuniunissaannik missiliorneqarput.

Inatsisitigut tunngavissaq allakkallu tunngaviusumik uppersaatitallit Soqanngilaq

Ingerlariaqqinnissaq

Atortorissaarutinik pisinissamut aserfallatsaaliornissaannullu Peqqinneq Sammisassaqaartitsivillu tassunga tunngasunik ilisimannilluartumik oqaloqatiginninnerit ingerlappai. Siunnersuut akuersissutigineqassappat atortorissaarutinik pisineq, e-sportertarfiliorneq aamma sunngiffimmi sammisassaqaartitsinermi feriallu nalaani neqeroorutinut tunngasut Peqqinneq Sammisassaqaartitsiviup isumagissavai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaartitsisoqanngilaq.

Innuttaasunik peqataatitsineq/attaveqaqatigiinneq

Atortunik toqqaaniarnermi inuusuttut e-sportimik soqutigisallit akuutinneqassapput. Tassuuna qulakkeerneqassalluni, atortorissaarutinik pisineq inuusuttut kissaatigisaannut pisariaqaartitaannullu sapinngisamik naapertuuttuunissaat. Spillerfissallu taamaalilluni inuusuttunut orniginarsartinneqassallutik.

Ingerlatsivinnit allaniit oqaaseqaatigineqartut

Saqqummiussaliaq una Meeqqanut Atuarfeqarnermullu Ingerlatsivik qanimut suleqatigalugu suliarineqarpoq.

Ilanngussat

Soqanngilaq

Punkt 6: Taasariaqartut allat

Beslutning

Henrik Rachlev (IA): Paamiuni atuarfik, taassumalu iluani nutarterneqanngitsut.

Thiiioq Knudsen (S). Henrik oqaasiinut tapersiivoq.

Michael Rosing (SUL): Islandimiut periusiat Islandiliarnissamut tunngavissaqalersitsivoq. Michaelip tamanna pillugu Inge Olsvig Brandt (IA) eqqartueqatigerusuppaa, Suliffeqarnermut Isumaginninnermullu Ataatsimiititaq angalaqatigineqarsinnaanersoq.

Uju Petersen (IA): kissaatigaa Qeqertarsuatsiaanut Kapisilinnullu angalasinnaaneq eqqartorneqassasoq.

Punkt 7: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal.14.44.